

ККАМО-ЛЮБОВ

Ккамалине-Любов ма ккел, мерутно ккелибе
упрал о вуца ппаре е Явинаке,
чумидимнастар ккамалутно, ханж-дехимнастар!
Упрал о авдези ханик-дехутни галимнастар!
Аздиме катар о биавипе, евенда! Ккамо ересел!
Ма посав ман Ккамо, кана диккав кариг лесте!

Телал то ханжало диккипе-дик, амборкнути боколи
Пуккъол, ппутрел-флога ягали! Табљовел! Ккамо-ччури,
ма посав ман, кана диккав кариг лесте!
Шипоса, едики шияво, саво камел катар о Рам о рат!

Ккамо-Любов, кана засовел то ило тай дел ухтавдипе?! Те дештеря,
вудара-англуне, хастретиеске, кана путерен?! Дуй вога ан океани
те билавен тай ехминен яг?! Тетики-аскери, кана на астарел састо
издралдипе - сепниба робинякоро, диво-ччай, бахтали?!

То юпи кариг ман, бужандо, късканжис-ччури,
Нанай те посавел мо есмери колин! Нанай!
Пе бидандале моса нанай те далдинел, те пиел ман, ангал те лел
чачуни любов мо ккамало биччалдо катар о нишани девлано!

Ккамо-Любов! Вуца, ппарярде, барале данда е явинаке Зорая ка
хевлярен тут чумидимнастар! Ка тутуцинел то ягало рат,
биявеске-шукар, парни мол! Бяв-Девлестар дендо, доресавди бах!
Машкар ккамло тай ккамли те лафиеске шундо:
“Туме... Андиме синиен ромеске тай ромняке! Ром тай ромни!” Мруш
тай жувли!

Ккамо-Любов! Ккелес, цибринес! Денединес, стража зорали,
биккини!
Лес катар о ило палал о бибахталипе, лескоро сап-ччури, саво пиел о
животос-амбролин на век! Тере шундипнаске, слава!
Ккамо-Любов, кама-ччури синят ту, мударутни тай ккам
живдимнаско!
Е животоске-слава! Лехусо! Тай палема Ккамни! Ашал Лескери
слава, Дад-дадани!

